

後遷九嶷山潛心於道以求度世嘗謂魏景所至高真必通達刺志誦黃庭玉篇因作黃庭觀使弟子居之自樓於白馬巖一日歸觀沐浴閉室而坐凡七日不出弟子驚異開視之忽然輕舉遺仙仗於木杪時唐太宗貞觀元年夏四月也巖中卧席後百餘年皆不壞

詳見前款  
魏景年

### 桓閻

桓閻者不知何許人事陶隱居居茅山華陽館十餘年立性端謹執役之外寂寂然若無所為一日有二青童一白鶴自空而下集於庭隱居欣然而接謂已嘗之青童曰太上所召者桓先生也隱居默計門人皆無姓桓者索之惟得執役桓閻焉詰其所致則曰常修默朝之道親朝大帝已九年矣故有今日之召將昇天隱居欲師之聞執謙固辭隱居不獲請且謂曰某行教修通勤亦至矣而淹於世俗得非有過致然幸為我訪之他日見論聞於是服天衣駕白鶴昇虛而去後三日容降而言曰先生之陰功固已著矣然所修本

草以蠶蟲水蛭之類為藥功雖及人而反害物命以此更一紀當解形去投蓬萊都水監隱居復以金石草木藥可代物命者別著本草三卷以贖其過後果解形而去  
歷世真僊體道通鑑卷之二十八

正一天師清微弟子 洪百堅 製作  
道教學術資訊網站

歷世真僊體道通鑑卷之二十九

堯

許崇山聖壽萬年曾道士趙道一編修

### 冠諫之

天師冠諫之字輔其上谷平昌人後魏刺史讚之弟也逮祖仁漢成帝時隱王屋山白日飛昇號明真先生仁之孫曰雋亦乘龍而去父馮翊為河東太守以恭符堅建元乙丑歲七月七日生天師年十六長八尺有餘至十八歲乃傾心慕道幽感上達有仙人成公興傭於諫之從母家因易之使墾田一日於林下算周辭不合公興因教之應手而成諫之乃嘆實有頃忽謂諫之曰法師有意學道可相與為隱乎遂與之遊華山常採藥食諫之自此不復飢又隱於嵩山數年一日謂諫之曰某出當有人將藥相遺但食之果如所言視其藥皆毒蟲臭惡物乃恐懼而出公興還具對公興嘆曰法師未易得仙但可為王者師復曰某不久留翼日午時當去公興亡後先生幸為沐浴自當有人見迎公興乃入第三重石室而卒諫之躬自沐浴明日日中有

叩石室者謙之出規見兩童子一持法服一持鉢及杖謙之引入至公與尸所公與修然而起著水持鉢執杖而去謙之遂守志嵩陽不復出後魏明元帝神瑞二年夏四月一日遼有二人衣翠衣羽服冠洞雲冠乘龍持麾來曰老君至徐聞音樂之聲斯須太上乘白王車九龍駘駕威儀赫奕神仙導從集上山頂謙之虔心作禮見開五宮門臺殿岌然太上坐白銀華林下勅仙伯王方平引謙之前立曰吾得中嶽集仙宮主表稱張道陵登真以來修真之人無所師授今有中嶽道士冠謙之行合自然宜處師位故吾授汝以天師之任及雲中音誦新科經戒自開闢以來不傳于世今運數當出汝宜修之佐國扶命以化生靈遂出新科經戒九卷謙之受訖五雲臺殿俱隱卷九太常二年正月十五日太上復降又賜新科符籙十餘卷具戒之曰前後符籙得人可授授非其人罪及汝身謙之誓首奉教而後志行日新太武帝始光中朝廷遣洛州刺史梁公率官千餘人詣山迎師至闕而

朝野未甚信奉惟司徒崔浩師事之上疏曰臣聞聖主受命則天應以瑞河圖洛書皆言蟲獸未若今日神人對接也昔漢高帝雖曰英聖四結猶不屈之上悟其言乃令使奉玉帛告祭嵩嶽及賜師宮館前帝問道禮過益恭復欲授輔弼之位師固辭曰我今聖師太上四臨神仙六降并授天經科法量其所感乃真聖也遂建都壇初靜輪天宮制作威儀一如經戒於是天下歸仰焉至庚辰歲師請為帝祈福於中嶽精誠通感太上冥授帝以太平真君之號并冠服符籙師還具奏是歲改為太平真君元年二年謙之奏曰今陛下以真君御世建靜輪天宮自古未有當受符籙以彰聖德上然其言乃登壇受之九年正月七日謂弟子曰吾昨夢成公與召我於中嶽仙宮五月二十五日果羽化有青炁若煙出口中至天半乃消其體漸縮識者謂之尸解降年八十四至七月十五日東郡沈猷採藥於嵩嶽頂見謙之身作銀色光明如日由是知為仙人

李皎  
李皎為冠謙之弟子遂服氣絕粒數十年隱於常山年九十餘顏如少童一旦沐浴冠帶家人異之俄而坐化道士咸稱其得仙尸解  
章節  
法師章節者字處元京兆杜陵人其族名家藏書萬餘卷節幼而好古通經傳子史傍及占候之術靡不精索十四歲後魏武帝擢為東宮侍書及孝明帝初即位太后視朝出守於魯郡莊帝立復為陽夏守以可近嵩山隱真道士趙靜通法師也既至遂還籍於朝而謁法師受三洞靈文神方秘訣靜通曰嵩高是神仙福地項浮屠氏棲於此非有絕俗之行直欲託名嶽以需風聲由是積尸沈魄穢濁靈山比者天文氣候怒失中恐災流於此尚宜安居耶汝可抵商洛岷益間吾當遊泰山或乘桴浮海節乃卜居華山之陽人因號華陽子餌黃精白朮胡麻茯苓丹砂雄黃修三一雌一八道九真又行黃庭內景智慧消魔經法撰為三洞儀序註妙真西昇等

經及莊列中庸孝經論語惟老子周易有別論八十餘卷又讀太和真人樓觀先生內傳復為一卷周武帝嘗請受靈寶五符赤書真文有白鶴臨壇徘徊而去帝嘉之屢有錫賜復詔為修真之曲遂撰精思法上嘆仰再四庚九因賜號精思法師時有陳國使周洪正聞師名欲即問道帝召與之對剖析深微抑揚三教洪正美而嘆曰此三界傑人非止二國之可仰而已帝特改號玄中大法師已而靈於山之東嶺屏諸喧雜以宅清曠上聞之復賜天太元精舍武帝太和四年外紀作忽彩雲如蓋覆其廬且曰子當乘此而去遂不出戶十有二日乃寂然解化降年七十三

### 田仕文

田法師名仕文右鄆人也隋文帝開皇七年試業入道事章節法師傳授三洞經法及符訣又誦靈寶生神章二經居常餌服白水茯苓久而有益每煉氣於靜室或一句半月而出顏色愈光澤凡八節十直庚申日齋戒修奉未嘗少輟為人祈福無不通感或為人救

病無不平愈陳綱常請懸忽袖降乘數顯在壇食之則非人間所有者又道士尹漆一日令佩符錄函忽墜水聽然有聲漆已在岸其真籙神符之靈皆此類常語人曰世之人有苦必投之然未之信時有里人賀蘭開者受戒於師一夕急卒為鬼吏所執至一府庭如人間有司之所掌簿者閱之謂開曰汝有受戒之名可復還由是重蘇其通幽達冥之效如此四方之際信尚者多而受賜不可勝紀唐太宗貞觀十七年六月十九日羽化人皆見梅花羽節迎師而去且曰吾今登南宮福堂矣降年七十有五門弟子惟尹文操為入室者

### 徐則

道士徐則者東海郟人沉靜寡慾常懷隱隱之志乃入緇雲山修道久之太極徐真人降謂曰汝出八十當為王者師然後得道因廬天台山絕粒養浩所資惟松水而已隋煬帝為晉王鎮揚州以書召之謂門人曰吾今年八十一王召我徐真人之言驗矣既至晉王

請授道法則辭以日不利其夕雖香火如常朝禮至五更寂然返真王命使送還天台時自江都道中人或見師徒步云得還及至舊隱以經書道法遺弟子仍掃一室曰有客至宜延之於此有頃跨石梁而去不知所往翌日果使至時年八十有二晉王追嘆三遣使圖其形又命柳著為贊曰可道非道常道無名上德不德至德無營真風扇矣粵有風煉金骨怡神玉清石髓方激靈丹欲成言念為稚將從茅盈我王遙屬爰成虛誠柱下暫啓河上沈精留符信在化杖龍輕求思靈迹曷用據情

### 岐暉

法師岐暉字平定京兆人也周武帝太和五年入道未幾會武帝沙汰釋老之徒因復流俗至隋道法重興時年二十六景行之心愈固遂事蘇法師於通觀久之傳授三洞經法修持未嘗少息內以希夷金真外以逍遙適其起歷年之久湛然自得隋大業七年煬帝親駕征遼暉謂門弟子曰天道將改吾

猶及見之不過數歲矣或問曰不知來者若何曰嘗有老君子孫治世此後吾教大興後數年隋果亂至唐高祖欽異其德遣使齋龍鉢以祈福願多有白雲覆壇變鹿馴矧其精感如此上嘉之詔修樓觀壇宇尊像一皆鼎新仍以藍田充焚修之費命師主之一日上躬詣祠庭謂左右曰老君乃吾聖祖也今為社稷主不有洪建其可已乎因改觀為宗聖詔賜粟帛以充齋給師每為國祈謝之外修存三守一及卧斗之法膏以仙經云欲為仙客入太白於是擇門人志道者俱往既至而返則室中常有神仙談笑唐太宗貞觀四年七月十八日忽謂門人曰翌日巳時吾當去世及期果羽化春秋七十三

孫思邈

孫思邈京兆華原人七歲就學日誦千言洛州總管獨孤信見其少異之曰聖童也顧器大難為用耳及長好談莊老百家之說周宣帝時以王室多事隱於太白山學道煉氣養形求度世之術洞曉天文推步精究醫藥審

察聲色常蘊仁慈凡所舉動務行陰德濟物為功偶出路行見牧牛童子殺小蛇已傷血出思邈求其童脫衣贖而救之以藥封裹放於草內復月餘出行見一白木少年僕馬甚整下馬拜思邈謝以言曰小弟家道者所救思邈聞之不以為意少年復拜思邈請以別馬載之偕行如飛到一城郭花木正春景色和媚門庭煥赫人物繁雜儼若王者之居少年延思邈入見一人端正美貌恰帽絳衣侍從甚眾欣喜相接謝思邈曰深思道者故遣兒子相迎前者小兒獨出忽為惡人所傷賴脫衣贖救獲全其命此中血屬非少共感再生之恩今得面道者榮幸足矣俄頃延入若宮闈內中見少年女子領一青衣小兒出再三拜謝思邈曰此兒癡騃為人傷損賴救象

山居樂道思其神目雖所視心固無欲乃以輕綺珠金贈行思邈堅辭不受曰道者不以此為意耶何以相報乃命其子取龍宮藥方三十首與思邈曰此真道者可以濟世救人俄復命僕馬送道者歸山思邈既歸深自以為異歷試諸方皆若神效後著千金方三十卷散龍宮方在其內又以聲色診人之疾著脉經一卷大行於世隋文帝輔政徵為國子博士不就嘗謂人曰過此五十年當有聖人出吾方助之以濟生人至唐太宗時召詣京師上訝其容貌甚少曰故知有道者誠可尊重美門之徒豈虛言哉將授以爵位固辭不受高宗初即位拜諫議大夫復固辭時年九十有九視聽不衰范陽盧照鄰有時名而染惡疾嗟粟受之不同昧遐天之殊致問於思邈曰名醫愈疾其道如何對曰吾聞善言天者必質於人善言人者必本於天夫天有四時五行寒暑迭代其轉運也和而為雨怒而為風凝而為霜雪張而為虹霓天地之常數也人有四肢五藏一覺一寐呼吸吐納動

而為往來流而為榮衛彰而為氣色發而為  
音聲此人之常數也陽用其精陰用其形天  
地之所同也及其失也蒸則生熱否則生寒  
結而為疣贅陷而為癰疽奔而為喘息竭此  
而為焦枯診發乎面變動乎形推此以及天  
地則亦如彼故五緯盈縮星辰失度日月錯  
行彗孛流飛此天地之疾瘡也寒暑不時此  
天地之蒸否也石立土湧此天地之疣贅也  
山崩地陷此天地之癰疽也奔風暴雨此大  
地之喘乏也雨澤不時川源涸竭此天地之  
焦枯也良醫導之以藥石救之以葭劑和之  
以道德輔之以人事故人有可愈之疾天地  
有可消之災照鄰曰人事奈何曰心之為君  
君尚恭故欲小詩曰如臨深淵如履薄冰小  
之謂也勝為之將以果決為務故欲大詩曰  
赴赴武夫公侯干城大之謂也仁者靜地之  
象故欲方傳曰不為利回不為義疚方之謂  
也智者動天之象故欲圓易曰見幾而作不  
俟終日圓之謂也故其文學也穎出其道術  
也不可勝記復問養性之要答曰天有盈虛

人有屯危不自慎不能濟也故養性必先知  
自慎也慎以畏為本士無畏則簡仁義兼無  
畏則情稼穡工無畏則慢規矩商無畏則貨  
不殖子無畏則忘孝父無畏則廢慈臣無畏  
則勳不立君無畏則亂不治是以太上畏道  
其次畏天其次畏物其次畏人其次畏身憂  
於身者不拘於人慎於小者不懼於大戒於  
近者不悔於遠如此則人事畢矣高宗後無  
何制授承務郎致之高華局不就永徽三年  
二月十五日時年已百有餘歲晨沐浴儼其  
衣冠端拱以坐謂子孫曰我為世人所過隱  
於洞府修煉將昇無何有之鄉臣於金闕不  
能應召往來俄而氣絕遺命令薄葬不設明  
器性年之真月餘顏色不變舉尸入棺如空  
衣焉已尸解矣解化年月仙傳所載與唐書  
合唐書載年百餘歲釋氏通

視石上朱書百餘字遂錄之隨錄隨滅須臾  
白氣漫起因忽不見後成都有僧誦法華  
經甚專雖經兵亂卒不能害忽一日有山僕  
至云先生請師誦經遂引行過漢嶺數重煙  
嵐中入一山居僕曰先生老病起晚請誦經  
至寶塔品欲一聽之至此先生果出野服杖  
藜兩耳垂肩焚香聽經罷入不復出遂供僧  
以藤盤竹箸秋飯一盃把菊數畹僧食之無  
鹽酪味美若甘露并得贖錢一銀僕送出路  
口僧因問曰先生何姓曰姓孫問何名僕於  
僧掌中手書思邈二字僧大駭迴視僕迷失  
不見僧乃於山中尋求竟迷舊路歸視贖資  
乃金錢一百文也由茲一飯身輕無疾至宋  
真宗天禧中僧已一百餘歲後隱去莫知所  
之

臣道一曰孫思邈煉氣養神精究醫藥務  
行陰德常蘊仁慈汲汲以善為務小蛇之  
傷昆蟲之微爾思邈以藥封而放之其德  
及昆蟲非人可及至於龍宮之報感靈異  
之若此道德經曰常善救物故無棄物孫

思邈以之

胡隱遠

胡隱遠者洞庭山道士也自云角里先生之孫其山有月里村角里廟累世多得道隱遠居焦山學太陰煉形之法死於巖中囑弟子曰常視吾體無令物犯六年後若再生當復我以衣冠弟子視之肌體爛壞惟五臟不變乃復閉護及期果再生遂備湯沐浴加新衣其髮鬆而黑其髯粗而直後十六年如前死更七年復生如此凡三度約八十歲狀貌如三十許人隋煬帝聞之召見恩禮隆異唐貞觀中太宗詔入內殿問攝生之道對曰臣所修者匹夫之志功不及物帝王修道一言之利萬國蒙福得道之効尤速臣區區之學非九重萬乘之所修也請歸山後不知所之

劉道合

劉道合者一名愛道陳宛丘人也幼懷隱逸志住壽春安陽山隋末遷蘇山從仙堂觀道士孟詵傳道復入霍山春分日啓誓文於谷中返數里聞雷電而雨遂止於巖是名愛有

人召覺則恍然有光見一神人身長丈餘衣冠劍佩持符從介甲士六七人謂道合曰吾為黃神大威使者今六夫醜類賊害民物聞子好道志節不屈可制魔群吾以三天正一盟威攝召符契授于道合受而吞之自是道法所施無不驗唐高祖武德中入嵩山與潘師正同居高宗聞之降詔於所隱立太一觀使居之時將封泰山雨不止帝使道合禳呪俄霽得寵賜輒散貧乏洛邑苦飛蝗道合以符示官吏仰散貼境內則立消唐高宗威乎中上召作符既成未克進忽料簡書汲汲然似有行意弟子問之則曰廬山司命君召吾有頃沐浴具冠褐而化調露中創奉天宮還道合墓發棺見骸骨拆若蟬蛻者一云亦有蟬蛻者帝聞之曰為我合丹而乃自服去耶

歷世真仙體道通鑑卷之二十九

歷世真仙體道通鑑卷之三十

梁誌

梁誌

浮雲山聖壽萬年宮道士趙道備修

道士梁誌者字成京兆扶風人也博通經史雖陰陽占候之術靡不精究外聲利薄滋味唯以安閑自適一日相者見之且曰此子目流白光貌集真氣非常人也後果樂神仙道大魏元帝咸熙初事鄭法師於樓觀時年十七仁不勝生和不好勝人皆樂之常夢與仙人遊或登山或酌石髓由是自有所娛至晉惠帝永興二年乙丑五月五日老君命真人尹軌降于樓觀乃查弟子禮事之踰月遂授煉氣隱形之法次授水石還丹術卒授六甲符及朱服日月黃華法後隱於終南山食燕吞符大盡其妙又廣索丹砂還而為餌凡辭氣之出則音韻清徹自是欽奉者多乃深入巖谷雷阻大雪鳥獸俱斃而誌獨守寂其志堅篤故靈真自集目能視地中物耳能聽數里聲一日忽謂門人曰有朋友待吾於南峰今須往矣乃冠服而出則雲氣迷統不